



The AMERICAN CHAMBER of Commerce in Mongolia

Хэвлэлийн мэдээ
11.23.2020

Холбоо барих
+976 9511 7771

АмЧам Монгол 2020 оны жилийн тайлангийн хурлаа амжилттай зохион байгууллаа

УЛААНБААТАР, Монгол улс - Монгол дахь Америкийн Худалдааны Танхим (АмЧам Монгол)-ын Жилийн тайлангийн цахим хурал 2020 оны 11-р сарын 20-ны өдөр боллоо. Хуралд Монгол улсад суугаа АНУ-ын Элчин сайд Майкл Клечески болон АмЧамын 70 гаруй гишүүн байгууллагын төлөөлөл оролцож, АмЧамын 2020 оны үйл ажиллагааны тайланг хэлэлцэж, 2021 оны ажлын зорилт, тэргүүлэх чиглэлийг тодорхойлж, Төлөөлөн Удирдах Зөвлөл (ТҮЗ)-ийн зарим гишүүдийг шинээр сонголоо.

АмЧам Монголын ТҮЗ-ийн гишүүнээр Ард Санхүүгийн нэгдэлийн Санхүү хариуцсан захирал Энхсайханы Амарбаясгалан, Facebook компанийн Монгол дахь төлөөлөгч Аюушжавын Бямбажаргал, Ernst & Young аудитын компанийн Гүйцэтгэх менежер Батбаярын Мөнхжин, М-Си-Эс Группын Дэд ерөнхийлөгч Дашцэрэнгийн Энхтүвшин, Эрдэнэ Ресурс компанийн Дэд ерөнхийлөгч Жон Лоёns нар олонхийн саналаар сонгогдлоо.

АмЧам Монголын ТҮЗ-ийн дарга Жэй Лиотта хурлыг нээж хэлсэн үгэндээ "2020 он хувийн хэвшлийнхэнд маш онцгой, сорилтоор дүүрэн хүнд жил байлаа. Хэдий тийм боловч бид амжилттай ажиллаж гишүүн компаниуддаа дэмжлэг үзүүлж, Монгол Улсын Засгийн газартай хамтран ажиллаж бодлого тодорхойлон хэрэгжүүлэхэд нь хувь нэмэр оруулж чадсан" гэв. АмЧам Монгол 2021 онд Эдийн засгийн өсөлтийг хангах замын зураглал хэмээх бидний гол анхаарлаа хандуулж ажиллах бодлогын тэргүүлэх чиглэлүүдийг агуулсан баримт бичиг боловсруулж, АмЧам Монголын гишүүд болон бизнес эрхлэгчдэд бодитоор ашиг тус авчрах арга хэмжээний талаар энэхүү хурлаар хэлэлцэж та бүхэнд танилцуулж байгаадаа баяртай байна" гэв.

Элчин сайд Майкл Клечески хэлсэн үгэндээ "Бидний эдийн засгийн харилцаа нь манай төр засгийн тусламжийг ач холбогдолтой дэмжлэг болгон хөрвүүлж, олон нийтэд хүргэх үндсэн арга хэлбэр тул хоёр улсын #Стратегийн Түншлэл-д нэн чухал үүрэгтэй" гэлээ. Мөн "Бид хувийн хэвшилд суурилсан эдийн засгийн өсөлтийг дэмжих нөхцөлийг бүрдүүлж, эдийн засгийг нээлттэй, ил тод, эрх зүйт хэм хэмжээ нийцүүлэн хөгжүүлэх засаглалын тогтолцоог бий болгохыг дэмжиж ажилладаг билээ. Бидний хамтын эрхэм зорилго бол Монгол Улсыг

АНУ-ын гадаад бодлогын чухал түнш болгоход оршиж байгаа юм. Энэхүү зорилгод хүрэхэд бидэнд хувийн хэвшлийн оролцоо, мөн Америкийн бизнесийн нийтлэг үнэт зүйлс болох ил тод байдал, хээл хахуультай тэмцэх хүчин зүтгэл, компанийн нийгмийн хариуцлага хэрэгтэй юм. АмЧам Монгол болон бизнес эрхлэгчид мөн адил энэ зорилгод хүрэх гол түлхүүр байх юм" хэмээв.

АмЧам Монголын Гүйцэтгэх захирал О.Адъяа 2020 оны жилийн тайлан болон 2021 оны төлөвлөгөөг танилцуулав. "2021 он манай байгуулагын хувьд онцлог жил байх болно. АмЧам Монгол үүсгэн байгуулагдсаны 10 жилийн ойгоо тэмдэглэх тул бид энэ тэмдэглэлт ойтой уялдуулан 10 онцлог арга хэмжээ зохион байгуулах болно" гэв.

АмЧам Монголын тухай

АмЧам Монгол нь АНУ-Монгол Улс хоорондын бизнесийн түншлэлийг өргөжүүлэх, бэхжүүлэх, эрх ашгийг нь хамгаалах болон Америкийн хөрөнгө оруулалтыг Монголд татах чиглэлээр ажилладаг бие даасан, гишүүддээ үйлчлэх төрийн бус байгууллага юм. АмЧам Монгол нь 3 сая гаруй гишүүдтэй дэлхийн хамгийн том бизнесийн холбоонд тооцогддог Америкийн Худалдааны Танхимиын албан ёсны салбар юм. Мөн АмЧам Монгол нь Ази Номхон далайн 29 орнуудын Америкийн худалдааны танхimuудыг нэгтгэдэг Ази Номхон далайн орнуудын Америкийн Худалдааны Танхимуудын Зөвлөл байгууллагын гишүүн юм.